

Aduertencias para

excommunicatione celebrantes: cum minime peccent ministrando. Aduertendum est tamen, quod nulli occulto excommunicato licitum erit celebrare ad implendum preceptum Ecclesie, aut preceptum & obligationem suo officio annexam, quando ex omissione horum preceptorum nullum graue scandalum sequitur, aut infamia. In his enim casibus, nec lex diuina, nec humana permittit aliquem excommunicatum celebrare, vnde penam irregularitatis incurrit celebrando. Aduertendum insuper, quod semper dixi, quod propter vitandum magnum scandalum, & periculum licet dicto Religioso excommunicato celebrare, negata sibi auctoritate a suo Superiore. Adde notandum, quod neque ratione verecundie, aut malae famae, quam ex reuelatione sui peccati reseruati apud suum Prelatum habere debet, erunt cause sufficientes, vt dictus Religiosus sine Confessione possit cum sola contritione ad celebrationem accedere. In hoc enim casu tenetur suo Superiori prius confiteri: nisi culpa reseruata apud Prelatos Ordinis sit iam in iudicio exteriori castigata, aut timet quod directe, aut indirecte ab ipso Prelato, reuelabitur.